

縣志序

里而邑與古侯國等國徵
徵志志亦史之流歟顧史

備善惡而志不書惡則其法寬
史設專官日記月注而志率出
簿書鞅掌間數十百年乃一修

序

則其時曠曠故舛與漏皆不免
也舛如杜氏短褐顛倒天吳漏
如三家村婦學大戶粧梳得一
失萬寬故溢美者多誇已則競
言門望譽人則每輒言佳是信
志之難難於史也棲志權輿於

王生兩修於何胡二今而操觚
者實出鳳伯牟氏橋梓手徵引
博討論詳蓋信史也歷載八十
餘矣中間雖有鄭今之修而缺
漏弗完亦且四紀夫山川未改
也至制度之遞增人物之迭出

序

失今不記異日者文獻盡湮茫
茫者將孰從而問之余待罪四
年率先務是急迓者年穀熟訟
庭稀乃進紳士而諮訪之不數
月各以所聞告爰共兩學博慎
而核之廼合前志而通纂之康

熙壬子前事仍其故少節舊文
以從簡要壬子後則各附其類
共八篇為目八十有二以授劑
闕氏庶有棲以來千百年間山
川風物政治人材一展卷而瞭
然不唯供輶軒之采而撫茲土

序

三

者亦有所考鏡焉吾聞秦越人
之治病也必洞見五臟癥結然
後鑿石導引割皮解肌應手而
效治一邑也亦然先周知利病
所在而藥從之棲民之在今日
耕鑿自力尚矣而推魯固滯之

未消則急在教化也民貧地瘠
歉歲鮮儋石之儲屢豐又有金
饑之痛財賄之弗通則利在貿
遷也余忝司牧惓惓於是者數
年興學通商不遺餘力而奏效
旦夕為難後之君子其亦覽籍

序

四

而謀所以調劑者謂非茲志之
助也歟
乾隆十九年歲次甲戌冬十月
文林郎知棲霞縣事雍韓衛長
謹序

原叙 康熙十一年壬子

邑令 胡璘

余居嘗睹昔人聚米畫形藉箸陳狀津津談往事不啻指掌豈一一曉囑而拇趾之哉按籍可以論世據程可以鏡往此鏤心揚榘者孜孜然唯志之討也棲邑僻處東陲民貧地瘠而兵燹之後凋瘵尤甚徵志於棲蓋難言之余承乏茲土殫心撫字八載於茲未敢云召父杜母俾窮簷茹屋一日享和平之福而徵志於今以視夫八載之前不無稍異前志由來遠矣兵興以來家鮮全集增修之志匪伊朝夕今

聖天子清問下民責令郡邑以志聞此正古昔盛肯輶軒采俗之意

棲霞縣志

原叙

五

余用是益自黽勉且快始願之有成爰訪遺聞進邑孝廉牟君鳳伯使董厥事鳳伯曰志易言哉自遷固以還志輿地者無慮數十家雋辭少鑿君子猶做帚視之僕何人斯敢以蚊負余曰不穀簿書弗給分任於君君職其詳余職其要惡乎不可且也千金之裘不成於一狐之腋君無讓矣鳳伯唯唯退居如心館中述其先世之意兼集群書參究訂論余復為之拾其遺聞以評品附焉凡數閱月而後報成事即不敢妄意有加於前倘庶幾哉志既成復進鳳伯與語曰君知邑有志即國有史乎史備一代彰輝志備一邑勸懲為功均也茲志一出後之宦於斯生

於斯者披卷而悟懼然而奮指某為仕也賢吾將肖之某為鄉也賢吾將肖之嗣是裨治理表風教以景行無窮斯志實為之嚆矢矣如徒以文爾也語云玉卮無當即美弗寶觀者亦且敝帚棄之何足述焉鳳伯又唯唯是役也徵文翰於世家詢傳聞於故老臚列區分誠慎之矣余樂其事之成因述巔末於簡端云

原叙 康熙壬子

李唐裔

周禮職方氏掌天下方輿圖籍小史掌邦國志外史掌四方志凡道里之遠近山川之險夷邊境之要害土地之肥磽風俗之美惡人士之淳澆物產之鉅細戶口之蕃耗錢穀之多寡畢具焉王者披覽則較若列眉以故身居深宮之中而心周薄海之內所係顧不重哉漢唐元明咸有一統志亦猶行古之道非徒以備疆宇之廣已也

棲霞縣志

原叙

六

國朝定鼎於兵燹之餘郡縣舊志千百中僅存十一三十年來以經制未定不遑及焉今允輔臣請下直省各郡縣纂修之邑侯彩玉胡公屬其事於孝廉鳳伯牟君書成欲余為序余不禁伏枕欷歔曰登郡八屬率皆土瘠民貧而棲為尤甚于逆變後更非其舊余何忍下筆棲無邊幅其道里猶是也而今所見無非

筭路藍縷矣山猶是也而今材木濯濯且有野豕害苗矣川猶是也而遷徙不常平田強半砂石矣土地則屢易其主耕耘不時而沃者瘠瘠者荒矣風俗則終窶且貧冠婚喪祭莫備矣人士則衣食不贍無暇禮義矣物產惟粟而值賤如土正供難辦矣戶口則萬餘者今止三千餘矣每丁一錢餘者今每丁至六錢五分矣錢穀則民窮財竭昔可傳檄而輸者今則敲朴仍通矣余何忍下筆雖然棲之困苦特未達之

宸聰耳倘藉此彙呈

御覽知昔之為棲者如彼今之為棲者如此思所以修復而存恤

棲實縣志

原叙

七

志還定而安集之未必非棲人苦盡甘來之一會也因不敢以不文也而辭之

又叙 前王子

牟國玠

志者紀也紀郡邑之史也周官有小史外史掌邦國四方之志以察民俗以稽吏治郡邑跡古侯國而無史官經世之士膺厥任者以時考事次其闕失式備一方之史猶古道也故志也者典章存焉教化寓焉治忽在焉匪徒具文飾觀爾矣棲志舊出王氏家藏前令何侯纂論成編先大夫實勛勦厥事王子先大夫適宰宜陽又先刺史判歸德時也相與參考而互證之先大

夫迺捐資以授梓人刊成遍散通邑一時僉謂盛舉矣未有傾

城之變家無全集戶無全書遂闕焉而罔稽會先大人以歲徵

與 廷試過他邑而獲原本歸來指而目之曰此爾祖昔日刊

本也子敬識之因以示余余捧讀再三仰見先大夫之為邑計

者深以遠也頃之先大人復語余曰莫為之前雖美弗彰莫為

之後雖盛弗傳序述纂修是亦我之責也是亦我之責也維時

先大人乃旁搜遠攬萃諸達人之聞見按先大夫編紀之後表

年月而叙次之集而未就竟未成書復不幸而頻值兵興僅存

先大人筆錄遺本披讀之餘于澤如新特以簡編殘失廢缺莫

棲實縣志

又叙

八

稽嗚呼惜哉然先大人以先大夫之心為心余曷敢不心先大人之心以心先大夫之心居平仰體於茲懷增修之志蓋已有年幸我胡侯來宰是邑存心教養八載於茲凡見之經濟者皆期於不朽而迺切切以棲志不傳為慮也適 朝廷徵志郡邑而侯志以成於是迺訪之師儒徵之典籍咨之父老論定纂修不鄙贖龔命余國玠謬佐是役竊謂邑志之輯國史攸關一日編摩千秋徵信余以寡昧深懼舛謬掛漏貽羞大雅然承侯命且先業也不敢有違唯是敬述先世舊聞請鑒定於縉紳先生長者以及邑中有識之士間効一得參互考證期無負侯付託

之意凡數閱月而志略具其間山川人物風俗城郭公署學校
選舉戶口貢賦之屬有裨治道者悉謹志之或筆或削悉遵先
大夫及先大人遺意不敢妄事臆識至於芟繁剔疑補闕闡幽
使理明事核足以信今而傳後則仍歸侯功非鄙人所能仰贊
高深也噫嘻先大夫刊訂前編成於壬子而余敬承侯命亦在
壬子之歲斯志之成豈偶然者哉

原跋 萬歷壬子

明邑庠 王之垣 生

垣家世縣治二百餘祀未聞樓有志嘉靖丙午先君伯泉翁誌
曰郡邑志所爲存往迺後也吾邑獨無何以徵觀化謀於學諭

樓霞縣志

又叙

九

羅源周師澍共輯之採往蹟於耆宿拾遺文於斷碑分席校讐
不越月而脫稿以力詘未梓家藏之俟勤政者迨戊午先君謝
世川中李父母揆令是邑之明年購之垣家示學訓任師傑率
弟子先仲父季泉翁謠變區于公鯉麓泉馬公時正忠軒林公
繩武他山郝公潔等相與重訂甫成李父母以事去年復一年
真本傳落僅存草耳萬歷己卯青陽鮑父母索之校中出之以
應垣時值內艱受命考正蓋是書始自先君漸及湮沒今日之
命固所願也勉以讀禮之餘詳加更訂乃亦未就而鮑父母以
事去幸古桐何父母露頰茲邑公餘取垣所存稿親乘筆削潤

色事辭類標數語條綴一斷該而理簡而文無能增減一字翼
工付剞劂未果至萬歷庚戌樓志始成此可平公時筮仕宜陽
暨乃姪靜甫時判歸德相與梓之蓋聞不朽事三立德立言立
功何父母下車以來綏窮懷窳威猗良服無赭歲無祲德功
懋矣維是一編數十年間諸君子之手凡幾更而竟成於此日
立言固有待乎其於不朽蓋兼之矣不肖垣亦何幸徵何父母
暨牟公惠使克畢生平未畢之志且以藉手謝兩先人豈偶然
哉不揣謏劣僭言末簡蓋亦重有感云

樓霞縣志

原跋

十

重修棲霞縣志序

志與史有異乎志根於史，本
於經實書之封山濬川七政六宗
禹貢之別讓分田賦定貢皆
是也周禮六官禮事加詳阻隘
掌之司險戶口職諸司民大司

序

徒以天下土地之圖知地域廣輪
之數後世圖志鼻祖於此志與
史為分合史實與經相表裏也
余在館時得覽各直省通志因
非比事屬詞排府列縣足見
無府志則省志在憑無縣志則

府志鮮據甚矣府志之所闕

鉅也光緒二年春余奉

命知登州府事下車之初查閱府志已

歷百四十年未經續修急思重

加編輯而棄曠絜如不遑暇息詎

意黃錦江大令蒞棲甫年解

序

二

印以續修縣志自任洵可謂先

得我心者矣予仙舟廣文以著

作宏才秉鐸揚邑掾能窺定

總司其事書既成丐序於余

喜其詳而辭簡而括條分縷晰

各附篇綱在異苑絕班之鑑

馬可以觀天文可以察地理可以
飭人官可以叙物曲榘乎是
備多異日府志之所取裁豈第
若典錄志於會稽風土之志
於襄陽云乎哉然而吾竊有懼
焉疆域建置志夫吾懼夫均心修

序

三

飾之功久而或紊典祀官貨志矣
吾懼夫若敬搏若之志久而或
弛志秩官人物則職守明名節
著吾懼其久而風流頓歇而名
實無典彰志祥異藝文則休
咎顯教化興吾懼其久而感於無

方而天人無與應道有隆替時
無污新今民古法存乎至人願
後之宰是邑者安益求安盛益
求盛而俗以美而民以興俾過此
執簡董狐大書特書不一書
乃斯志之幸抑亦序斯志者之

序

四

幸也夫

光緒五年夏五月

賜進士出身中憲大夫道員用知登州
府事翠岩賈瑚撰



序

志者所以屬詞比事脩之
乃能繼往開來因循不振
任其泯沒不第采風無自
抑亦守土之羞也棲霞縣
志脩於乾隆甲戌迄今百

序

數十歲代遠年湮星移霜
換微特人物代謝亦且陵
谷變遷若不亟加蒐輯雖
龍門扶風惡能無徵而信
哉麗中攝篆於茲幸值時
和歲稔既為民謀倉儲爰

議續脩縣志糾紳耆而商

確咸踴躍以從公濟寧于
仙舟廣文秉鐸斯邑歷有
年所文名品望士林翕然
於焉延請以至脩纂或有
以章難急就阻余者以為

序

左氏鍊都十年乃就溫公
通鑑廿載甫成保能我作
其始亦見其終哉余曰否
否竊念

朝廷列爵各有所司在一日官
畫一日事吾但為事之所

當為與吾事之所得為而
已他何計焉且果能策羣
策力羣力安見功之不可
尅日侯者舊志計共四冊
續志擬附各卷合成八冊
事半功倍亦不疾而速之

序

三

一方也何必如宋子京作
新唐書大刪舊編痛加賅
駁為乎哉夫志不稽古奚
貴稱先志必信今始能傳
後斯志經始於戊寅嘉平
竣工於己卯秋仲能樸勿

華能覈易濫事增於舊綱
統於前雖難美婉三長或
可請免五失後之來司牧
者覽疆輿可以慎郊圻閱
建置可以識名勝細檢祀
典不難辨鬼神明孝享勤

序

四

翻食貨不難驗豐耗覘盛
衰秩官列於案則將懷素
餐尸位之慚人物載之書
則將動行表言坊之慕祥
異見矣當思鳳何以能鳴
虎何以能渡藝文傳矣當


思墨何以能舞筆何以能
 訝固發潛闡幽之大端亦
 勵精圖治之一助也何莫
 非布
 聖世昌明之化而豈僅為下邑
 文獻之徵哉是為序

序

五

峇

光緒五年秋署棲霞縣事
 如臬黃麗中撰並書



序

棲霞縣志創始明萬歷間
 我
 朝以來一修於胡再修於衛
 自時厥後難為繼矣非難
 也敏則有功天下豈有難

序

事哉戊寅冬臘鼓方興邑
 令黃公錦江造余商修縣
 志事余曰大難大難棲邑
 本貧瘠自夏徂秋捐倉穀
 捐瀛洲書院經費民力竭
 矣則經費難志修於乾隆

十九年迄今百數十歲故家遺老罕有存者則採訪難公曰君言誠然矣批卻導窾迎刃而解事豈有不能為者哉君但應我秉筆事餘事當設法為之余曰

序

二

諾敬聞命矣經費採訪之法願梗槩示公曰人同此心心同此理以縣志不容不修之故家諭而戶曉之當無不聞風起於四十六社中各擇紳耆三二人使

籌經費兼理採訪量社大小攤派若干自捐廉俸以為民先如是而經費易矣生長其鄉熟習其事各舉所知無漏無遺如是而採訪亦易任已者勞任人者

序

三

逸人少則難人多則易事豈有不能為者哉更有商者舊志不無乖錯亦多更張必刪改重刊不獨工費浩繁而且耽延時日則又難矣可否如涿州志式原

板不動續志附各卷後更
張者於續志註明乖錯者
就原板挖補豈不用力省
而成功速余曰可愛偕同
事諸君子依次纂刻以竟
乃事志於去臘定章今正

序

四

謀始二月設局八月竣工
計十閱月而志成是志也
徵信闕疑去偽存真無附
會語無避忌心知我聽罪
我亦聽以仰副
聖天子採風觀俗之意以勉助

賢有司思難圖易之心聊
序事之顛末而為斯文

皆



光緒五年歲次己卯仲秋
上浣

棲霞縣訓導濟甯于如川

序

五

識并書



康熙十一年修志姓氏

知縣

胡璘

鄉紳

李唐裔

牟國須

牟國玠

諸生

林善聲

孫公僑

謝宣

韓正傳

李生梓

丁浩然

牟如岩

李任

張大行

棲霞縣志

姓氏

林璿

郝喙

張文燿

一

修志姓氏

纂修

知縣 衛蓀

叅訂

教諭 冷廷樞

訓導 郎天潤

督刻

典史 袁煜蔣

採訪

進士 牟日鈞

棲霞縣志

姓氏

舉人 李秉政

林誥

貢生 牟日箬

牟之健

牟日箬

牟遺傳

監生 牟忭

李秉謙

林閻

郝偉

馬聖瑞

張百和

生員 樂寅

林毓葵

牟汝賢

林謨

林揖

符封合

衣汝明

李鍾淑

二

棲霞縣志續修姓氏

主修

撫提部院營務處藍翎同知銜知州用署理棲霞縣知縣黃麗中

纂修

光祿寺署正銜候選教授棲霞縣訓導于如川

參訂

棲霞縣教諭 王德馨

翰林院孔目銜候選訓導前署甯海州訓導王業玲

東河候補開官前署彭口閘開官黃炳垣

棲霞縣續志

姓氏

謄寫

文 生李廣韶

文 童李仲篋

文 童范文海

校對

中書科中書銜 張羅宿

湖南候補巡檢 郝聯芬

文 生米芝庭

文 生李培因

文

蔭 龔雲騎尉 文 生米松齡

監 生張箴

繪圖

廩 生婁寶賢

增 生孫書景

監 生孫從範

督刊

六品銜棲霞縣典史 呂高元

棲霞縣續志

姓氏

校刊 藍翎都司銜儘先千總棲霞汛把總張平南

河南試用典史 黃炳堃

試用鹽運使司經歷 呂植全

理局

候選巡檢 于京溪

監 生張箴

採訪

同知銜候選州同 李憬然

同

布政司理問銜	劉希祖
五品銜候選縣丞	孫鴻儒
從九品銜	郝澍森
從九品銜	黃日令
從九品銜	郝麟趾
從九品銜	張硯溪
蔭襲雲騎尉	郝鎰
候選千總	官升蘭
挑選兵部差官	孫殿英
千總銜	柳逢春
恩貢	生王蓮峯
歲貢	生林虎疆
歲貢	生孫繩武
原貢	生劉昭遠
原貢	生牟翔鸞
原貢	生林維岳
附貢	生李修田
附貢	生牟洋林

樓閣縣續志

姓氏

三

附貢	生林紹庭
附貢	生于桂齡
俊貢	生姜桐恩
俊貢	生李運
原貢	生徐宗孺
原貢	生魯葆華
原貢	生林經
原貢	生李培運
原貢	生呂運升
原貢	生樂伯奎
原貢	生王昶
原貢	生牟雲詒
原貢	生王海山
增貢	生劉廷元
增貢	生劉寶珊
增貢	生王仁海
增貢	生杜振鷺
增貢	生曲鳳儀

樓閣縣續志

姓氏

四

